



*Sabtu, 21 Desember 2024*  
**Ogen: Matius 5:13-16**



**Mereken Ngaruh Si Mehuli**



Lit belas-belas anak si genduari nina 'nggak ngefek' la lit efekna, geluhta enda la lit pengaruhna man kalak sideban. Je ras i je kita seri nge. Piga puluh tahun pe kita nggeluh i doni enda, geluhta guna dirinta ngenca. Labo pernah lit nanamna man kalak sideban. Lit pe kalak kelsehen, lit kalak beraten labo pernah reh ia mpenahangisa. Lit si lumben pe labo pernah isampatina. La lit bekas, jejak, geluhna i bas cerita geluh kalak sideban. Renungenta paksa enda sada bagin kotbah Jesus i datas uruk sinuriken identitas kalak singikut-ngikut ia. Berbagi adalah salah satu bagian dari memiliki budi pekerti yang baik, nina Maria Nelson nuriken ukurna. Kai nge si banci sibagikan nandangi doni enda? Tentunya melala, sabab nterem kal kalak tertima penampatta, pemerenta, erbage perbahanen si mehuli si banci si elaken. Renungenta paksa enda e me bagin kotbah Jesus i datas uruk. I je ituriken kerna Kalak si tek, si jelas identitasta, ise kita isuratken i bas data nta pe kartu tanda pendudukta. Enda arus sendalanan. Ibahan Jesus anding-andingen bagi sira ras terang. Kai ngaruhna duana siikataken Jesus enda tentunya penting kal nandangi kalak sideban. Ia la nggeluh guna dirina saja tapi nandangi kalak sideban. Sira siringan i bas dapurta, secara sederhanana teptep wari mereken nanam nandangi si pan kita, terakap kal ngkuhi keriahen ukurta paksa man. Terdauhen jadi alat pengawet man piga-piga ikan (asin) gelah la macik ras mbau. Terang, secara teologisna i bas kitab Jesaya enda me siitimai, reh terang, nerangi sigelap. La lit ertina terang tama teruh tumba, la erguna, la mereken ngaruh kai pe dikune ibuniken. E maka inganna la banci terbuni, arus icidahken. Duana siikataken Jesus enda desken kegeluhen si mereken si mehuli nandangi nterem jelma. Bage me kita kerina i bas kegeluhenta janah kerina e tujunna labo mpehaga dirinta tapi arah si e kerina terpuji Dibata Bapanta.

☞ *Jelas identitasta, tangkas ngaruhna man doni enda*